

「搞不清先生」想了解 Equity-Linked Investment ELI股票掛鈎投資

乜嘢係ELI股票掛鈎投資？

一種有期限嘅投資產品，通常由3個月至2年不等，你可以揀心水股票或一籃子股票嚟掛鈎。選擇同銀行協定嘅行使價買入，通常會低過現貨價。當掛鈎股票到期嘅收市價相等或高過行使價，投資者可以用現金方式攤返投資本金同埋投資期內的利息，即係當你買入 ELI 時所定嘅利息回報，部份ELI利息年利率有機會高達10%或以上；相反，如果掛鈎股票到期係低過行使價，投資者雖然收到以現金計算的利息，但就要「接貨」，即係要用原本投資金額以行使價買入股票。

ELI 有乜特點？

一種有機會賺取高息而同股票相關嘅投資工具。投資者有機會以低於現貨價嘅目標價買入相關股票，獲取較高嘅潛在回報和利息。

乜嘢情況之下適合揀選ELI？

情況1：如果你對掛鈎股票的後市有睇法，認為後市會反覆橫行或上升，可以考慮利用ELI投資賺取利息回報。因為市況平穩時，部分股票回報可能較低。但因應市場情況，部分ELI利息年利率可能高達10%或以上，所以你可利用ELI提高短期利息回報。

情況2：如果你有心儀股票但現價還未到心目中價位，就有機會以ELI較市價低嘅行使價買入，同時獲取較高嘅潛在利息回報。

但記住投資涉及風險。ELI係結構性投資產品，股票價格有升有跌，投資都有賺有蝕架！

「搞不清先生」搞清楚ELI而家變成「清楚晒先生」